

# Pregled inicijativa za unapređenje poslovanja javnih preduzeća koje su CCI dostavili institucijama u BiH

## FEDERACIJA BIH

**PREMIJER VLADE FEDERACIJE BIH,  
PREMIJER KANTONA SARAJEVO I  
PREMIJER TUZLANSKOG KANTONA**

Prijedlog za formiranje Stručnog tima za koordinaciju nadzora javnih preduzeća pri entitetskim i kantonalnim vladama, čiji će zadatak biti praćenje stanja u sektoru javnih preduzeća koja su u njihovoj nadležnosti.

**FORMIRANJE STRUČNOG TIMA U CILJU PRAĆENJA I KOORDINACIJE RADA JAVNIH PREDUZEĆA**

**DOM NARODA PARLAMENTA  
FEDERACIJE BIH**

Izmjene Poslovnika Doma naroda Parlamenta Federacije BiH kojim bi se propisala blagovremena obaveza godišnjeg razmatranja svih izvještaja o poslovanju javnih preduzeća od strane Parlamenta Federacije BiH, koji dođu u parlamentarnu proceduru i koja su u nadležnosti institucija vlasti Federacije BiH.

**OBAVEZA RAZMATRANJA IZVJEŠTAJA O RADU JAVNIH PREDUZEĆA NA GODIŠNJEM NIVOU**

**PREDSTAVNIČKI DOM PARLAMENTA  
FEDERACIJE BIH**

Izmjene Poslovnika Predstavničkog doma Parlamenta Federacije BiH kojim bi se propisala blagovremena obaveza godišnjeg razmatranja svih izvještaja o poslovanju javnih preduzeća od strane Parlamenta Federacije BiH, koji dođu u parlamentarnu proceduru i koja su u nadležnosti institucija vlasti Federacije BiH.

**OBAVEZA RAZMATRANJA IZVJEŠTAJA O RADU JAVNIH PREDUZEĆA NA GODIŠNJEM NIVOU**

**FEDERALNO MINISTARSTVO ENERGIJE,  
RUDARSTVA I INDUSTRIJE**

Zakon o javnim preduzećima Federacije BiH dopuniti dodatnim članom koji bi propisivao i uređio položaj i imenovanje vršioca dužnosti direktora javnog preduzeća, kao i dužinu i trajanje mandata sa ponovnim izborom.

**SPRJEČAVANJE ZLOUPOTREBE POZICIJE VD DIREKTORA**

**FEDERALNO MINISTARSTVO ENERGIJE,  
RUDARSTVA I INDUSTRIJE**

U dijelu Zakona o javnim preduzećima Federacije BiH koji tretira kaznene odredbe propisati kaznene odredbe za skupštine javnih preduzeća koje ne poštuju član 6, stav 2. Zakona o javnim preduzećima u Federaciji BiH kojim se propisuje: „Skupština preduzeća podnosi općinskom vijeću, skupštini kantona, odnosno Parlamentu Federacije Bosne i Hercegovine izvještaje o radu i poslovanju javnih preduzeća najmanje jednom godišnje.“

**SANKCIJE ZA JAVNA PREDUZEĆA KOJA NE DOSTAVLJAJU IZVJEŠTAJE O SVOM POSLOVANJU**

**FEDERALNO MINISTARSTVO ENERGIJE,  
RUDARSTVA I INDUSTRIJE**

Zakon o javnim preduzećima Federacije BiH dopuniti sa novim članovima koji će propisivati jasne kriterije za imenovanje uprave i nadzornih odbora javnih preduzeća, sa navođenjem detaljnih i transparentnih kriterija za imenovanje na ove pozicije.

**UNAPREĐENJE SISTEMA IMENOVANJA RUKOVODEĆEG KADRA**

**FEDERALNO MINISTARSTVO ENERGIJE,  
RUDARSTVA I INDUSTRIJE**

Zakon o javnim preduzećima Federacije BiH dopuniti sa dodavanjem dodatnog obrazloženja na stav 3. član 2. koji bi propisao obavezu objavljivanja radne biografije članova nadzornog odbora i uprave javnog preduzeća pored informacija o finansijskoj i organizacionoj strukturi, te da se i ove informacije učine dostupnim javnosti posredstvom internet stranice preduzeća ili na drugi adekvatan način.

**POVEĆANJE TRANSPARENTNOSTI JAVNIH PREDUZEĆA**

**FEDERALNO MINISTARSTVO ENERGIJE,  
RUDARSTVA I INDUSTRIJE**

Prijedlog za izmjene i dopune Zakona o javnim preduzećima Federacije BiH sa dodavanjem dodatnog stava na član 12. koji bi propisao šta znači izvršna funkcija u političkoj stranci.

**SMANJENJE POLITIČKOG UTICAJA U JAVNIM PREDUZEĆIMA**

**FEDERALNO MINISTARSTVO ENERGIJE,  
RUDARSTVA I INDUSTRIJE**

Prijedlog za izmjene i dopune Zakona o javnim preduzećima Federacije BiH sa dodavanjem dodatnog stava na član 9. koji bi propisivao obavezu uvođenja predstavnika radnika u nadzorni odbor u skladu sa veličinom javnog preduzeća (po uzoru na sistemski rješenja koja važe u Saveznoj Republici Njemačkoj).

**UKLJUČIVANJE RADNIKA U DONOŠENJE ODLUKA JAVNOG PREDUZEĆA**

**FEDERALNO MINISTARSTVO PRAVDE**

Prijedlog za dopunu Nacrta Zakona o sprječavanju sukoba interesa u organima vlasti Federacije BiH u dijelu nespojivosti funkcija koje bi se odnosile na zabranu obnašanja funkcije vršioca dužnosti i izvršnih direktora u javnim preduzećima.

**SPREČAVANJE OBAVLJANJA DUPLIH FUNKCIJA**

## REPUBLIKA SRPSKA

**NARODNA SKUPŠTINA REPUBLIKE  
SRPSKE**

Izmjene Poslovnika Narodne skupštine Republike Srpske kojom bi se propisala blagovremena obaveza godišnjeg razmatranja svih izvještaja o poslovanju javnih preduzeća od strane Narodne Skupštine Republike Srpske, koji dođu u skupštinsku proceduru i koja su u nadležnosti institucija vlasti Republike Srpske.

**OBAVEZA RAZMATRANJA IZVJEŠTAJA O RADU JAVNIH PREDUZEĆA NA GODIŠNJEM NIVOU**

**MINISTARSTVO PRIVREDE I  
PREDUZETNIŠTVA**

Zakon o javnim preduzećima Republike Srpske dopuniti dodatnim članom koji bi propisivao i uređio položaj i imenovanje vršioca dužnosti direktora javnog preduzeća, kao i dužinu i trajanje mandata sa ponovnim izborom.

**SPREČAVANJE ZLOUPOTREBE POZICIJE VD DIREKTORA**

**MINISTARSTVO PRIVREDE I  
PREDUZETNIŠTVA**

U dijelu Zakona o javnim preduzećima Republike Srpske u članu 5. koji propisuje nadležnosti Skupštine preduzeća, dodati tačku m) koja bi glasila: „Skupština preduzeća podnosi skupštinama opština/gradova, odnosno Narodnoj Skupštini Republike Srpske izvještaje o radu i poslovanju javnih preduzeća najmanje jednom godišnje“, a postojeću tačku m) prebaciti u tačku n).

**OBAVEZA PODNOŠENJA IZVJEŠTAJA O RADU JP PREMA NARODNOJ SKUPŠTINI REPUBLIKE SRPSKE**

**MINISTARSTVO PRIVREDE I  
PREDUZETNIŠTVA**

Zakon o javnim preduzećima Republike Srpske dopuniti sa novim članovima koji će propisivati jasne kriterije za imenovanje uprave i nadzornih odbora javnih preduzeća, i to sa navođenjem detaljnih i transparentnih kriterija za imenovanje na ove pozicije.

**UNAPREĐENJE SISTEMA IMENOVANJA RUKOVODEĆEG KADRA**

**MINISTARSTVO PRIVREDE I  
PREDUZETNIŠTVA**

Zakon o javnim preduzećima Republike Srpske dopuniti sa dodavanjem dodatnog obrazloženja na član 2. stav 3., koji bi propisao obavezu objavljivanja radne biografije članova/ica nadzornog odbora i uprave javnog preduzeća pored informacija o finansijskoj i organizacionoj strukturi, s ciljem da se ove informacije učine dostupnim javnosti posredstvom internet stranice preduzeća ili na drugi adekvatan način.

**POVEĆANJE TRANSPARENTNOSTI JAVNIH PREDUZEĆA**

**MINISTARSTVO PRIVREDE I  
PREDUZETNIŠTVA**

Prijedlog za izmjene i dopune Zakona o javnim preduzećima Republike Srpske sa dodavanjem dodatnog stava na član 11. koji bi propisao šta znači izvršna funkcija u političkoj stranci.

**SMANJENJE POLITIČKOG UTICAJA U JAVNIM PREDUZEĆIMA**

**MINISTARSTVO PRIVREDE I  
PREDUZETNIŠTVA**

Prijedlog za izmjene i dopune Zakona o javnim preduzećima Republike Srpske sa dodavanjem dodatnog stava na član 8. koji bi propisivao obavezu uvođenja predstavnika radnika u nadzorni odbor u skladu sa veličinom javnog preduzeća (po uzoru na sistemski rješenja koja važe u Saveznoj Republici Njemačkoj).

**UKLJUČIVANJE RADNIKA U DONOŠENJE ODLUKA JAVNOG PREDUZEĆA**

**MINISTARSTVO UPRAVE I LOKALNE  
SAMOUPRAVE REPUBLIKE SRPSKE**

Prijedlog za izmjene i dopune Zakona o sprječavanju sukoba interesa u organima vlasti Republike Srpske u dijelu nespojivosti funkcija koje bi se odnosile na zabranu obnašanja funkcije vršioca dužnosti i izvršnih direktora u javnim preduzećima u vrijeme vršenja javne funkcije i 3 mjeseca nakon prestanka javne funkcije.

**SPREČAVANJE OBAVLJANJA DUPLIH FUNKCIJA**